

行狀錄序

於戲吾東朴氏之蔓延於八路者其源一也蘿井遺字仙桃
已遠鷄林古郡滄桑又改年年綠草空鎖五陵之寒烟世世
來雲散作八方之分派矣粵自八大君分封之果經兵燹
國乘斷爛文獻無徵誰知魯衛之和分於兄弟而溯其一流
之所自出者吾宗一派以密城後裔羅麗中葉又失世系其
後諸先輩以我糾正公為中祖始修譜牒而三傳續成者
今為八十餘年之久矣余以末裔孱孫生教數千載之下特
歡仍舊續系而薄識魯齊衆論枝梧設施三年轉移東西至
于淳昌不勝慨嘆然此亦諸宗譜合之同議非我一人之私
意也來寓之夕蒼然白髮逍遙庭除仰見廳舍後有山名曰

峨眉半輪秋月依依如蜀中景色感興吟詩忽憶蘓老泉煖
譜序文油然而心悟刊譜之前先錄遺來事實以知本源之一
而眼花迷離心莫能遠矣時有嶺南宗本文燁適至譜所文
燁即我族太父謙齋門人哉 敏甫之胤子也年逾不惑涉
獵史乘可任宗事改與之確論譜例使之輯錄文卷名之以
譜源錄譜源之名蓋取諸修譜溯源之義也後來諸賢勿以
我言耄而開卷寓目則庶可為諸宗族收一源之奇玩云爾
崇禎紀元後四丙戌冬後孫采煥謹 識